

卷三十



書名 刑部比照加減成案三十二卷
 撰者 清 許榘、熊莪 同輯
 卷 卷三十
 內容分類 史-政書-法令-刑案
 索書號 大木-法類-例案-28
 編號 B3854600

彩色首頁1

[東洋文化研究所漢籍目錄 編號: B3854600](#)

[東洋文化研究所漢籍目錄所藏漢籍善本全文影像資料庫 索書號: 大木-法類-例案-28](#)

[漢籍善本全文影像資料庫文本刑部比照加減成案三十二卷](#)

版權所有: [東京大學](#) [東洋文化研究所](#)

[使用上的注意事項](#)

刑部比照加減成案卷一

名例

贖刑

陝西司 嘉慶二十二年

陝督咨武生滕殿邦於總督轎前衝突行

走經隨從武弁推阻該生復向扭毆並未

成傷查滕殿邦身立膠庠當知憲輿之前

卷一

名例



罪人拒捕

不願為

放火燒人房屋

放火燒屋

放火燒屋

放火燒屋

刑部比照加減成案卷三十

刑部比照加減成案卷三十

刑律雜犯

放火故燒人房屋

貴州司嘉慶二十五年

貴撫咨王文秀因挾王文孝告官被責之

嫌向王文孝兩次訛詐並將王老二毆傷

嗣因索詐不遂起意放火故燒空閑草房

卷三十

刑律雜犯



放火故燒人房屋

寔屬兇惡無故擾害應照棍徒擾害例擬軍仍照放火本例加枷號兩個月郭庭玉等依故燒空地閑房為從各枷號五十五日杖一百徒三年

湖廣司嘉慶二十五年

東陵咨和舍里氏因花尚阿係挑補伊翁五十五革退甲缺心懷怨恨起意向伊夫

存福商允俟花尚阿該班之時乘空將禮部庫放火希圖革退馬甲洩忿旋即乘空放火尚未延燒被獲和舍里氏係一家共犯應罪坐其夫存福合依故燒倉庫如挾仇放火當被救息擬軍加枷例發駐防當差仍加枷號兩個月

江蘇司嘉慶二十二年



放火故燒人房屋

江西撫咨李德向在縣署派管雜務嗣經查出該犯係捏籍投充攆逐該犯因另無雇主懷忿潛至署內放火尙未延燒合依兇惡棍徒挾仇放火當被救息尙未延燒爲首枷號兩個月發逐邊充軍惟該犯敢于縣署放火情罪較重應量加一等發邊遠充軍

安海司道光元年

妾撫奏宗青挾仇放火延燒致斃楊譚氏一家三命案內楊花典被脅同行並未下手燃火查挾仇放火因而殺人從犯罪止絞候被脅同行罪止擬徒案關一家三命若仍照本律擬徒尙覺輕縱干從犯絞罪上減一等滿流案例載挾仇放火致死一家三命首斬梟從絞決

山東司嘉慶二十二年

東撫咨郭虎聽從行竊高際昌家糧食未
遂商同放火燒燬以致燒斃高際昌夫婦
三命查郭虎僅止同謀並未幫同下手燃
火將郭虎于挾仇放火因而殺人及焚壓
致死爲從商謀下手燃火者絞候例上量
減一等滿流

直隸司道光二年

直督咨外結徒犯內王大聲等行竊事王
伊進忠閑院草束並放火滅跡一案查王
大聲于行竊伊進忠草束得贓後慮恐查
知敗露輒起意放火將草棚燒燬希圖滅
跡將王大聲比依圖財故燒空地閑房及
堆積柴草首犯枷號兩個月杖一百流三





千里當被救息，尚未延燒滅，一等例擬徒。

山東司道光元年

東撫咨馬二行竊，尚未得贓，因事主驚覺，畏懼倉惶逃走，致失落火煤，延燒事主空房。該犯行竊，意在得贓，與謀財無異。而遣火，則與放火有間。比照惡徒謀財放火，延燒尚未搶掠財物，首犯斬候例，上量減一

等擬流。

廣東司道光元年

廣撫題關能舉偷竊，僱主當舖銀兩圖掩竊情，放火延燒，核其情節，與圖財放火無異。惟該犯行竊在前，放火之時，並未搶掠。依惡徒謀財放火，已經延燒，尚未掠財，又未傷人例，絞候。

四川司 嘉慶二十年

川督咨陳三廣子宋老六等聽從郭老么圖竊張瑞圖家財物放火焚燒草房旋即救息尙未延燒其三次放火均係郭老么下手陳三廣子聽從同行例無聽從圖竊放火三次均未下手治罪明文惟該犯等意在圖財雖當時未經下手而聽從三次



情節較重陳三廣子宋老六均比照謀財放火隨即救息尙未延燒為從商謀下手燃火者杖一百流三千里照例刺字

浙江司 嘉慶二十五年

浙撫咨外結徒犯內翁景璜挾嫌放燒朱其追山種樹木應比照挾仇放燒孤村曠野田場積聚之物杖一百徒三年



放火故燒人房屋

直隸司嘉慶二十五年

直督咨二十四年春季外結徒犯李春、
嫌故燒總麻服叔李文煥田場積聚之物。
例無卑幼犯尊明文仍照挾嫌故燒田場
例杖一百徒三年。

不應為

浙江司嘉慶二十三年

提督咨王老兒聘娶覺羅之女趙氏為妻。
照不應重律杖八十。

湖廣司嘉慶二十四年

本部奏世襲三等輕車尉奇成額呈稟以
伊師趙淳亮病故伊欲縊死隨侍一案查



奇成額因感趙淳亮平日教導並為伊墊發賤務之恩于趙淳亮病故之後起意自盡卽寫具呈帖本旂投遞冀免死後相驗惟律例並無欲行自盡殉師作何治罪明文將奇成額酌量擬以不應重故係有職人員例得納贖第該員秉性愚拙形類癡騃未便仍令回任當差請

旨將奇成額交旅領回管束。



不應為

刑律捕亡

罪人拒捕

安徽司 嘉慶二十四年

安撫題戴馬川寄頓賊贓被事主親戚王
大山王大寬弟兄訪知邀同事主往查戴
馬川起意糾同伊弟戴習廣等拒捕致被
糾同業已病故之戴溪本將王大寬殺死

戴馬川亦將王大山砍傷斃命。例無罪人拒捕致死一家二命首犯作何治罪。明將戴馬川仍按本例斬候。該犯在逃十年始行就獲。改爲立決。戴習廣明知伊兄戴馬川寄頓賊贓。聽糾抗拒。用順刀將王寬砍傷。應照兇器傷人軍罪上加拒捕罪二等。惟拒捕爲從。仍應依律減一等。將戴

習廣于共毆人執持兇器傷人發近邊充軍例上加一等發邊遠充軍。

廣西司嘉慶十八年

廣西撫題何士信因子何大忠行竊被事主吳得周獲送。何士信率領子姪持械趕奪致吳得周驚慌跳走失足落河溺斃。何士信不能禁約其子何大忠爲竊。例應答

責係屬有罪之人。將何士信依犯罪拒捕。殺所捕人律擬斬監候。何大忠于伊父何士信糾人赴奪。該犯並不知情。惟其父身罹法網。究由該犯行竊所致。照子孫違犯教令杖一百律上加一等杖六十。徒一年。四川司嘉慶二十四年。

川督題周老八因緝竊夥犯林九被事主

胥在明捕獲起意打奪約同周貴來等共十六人同往。見胥在明與堂叔胥庭祚及隣佑趙臨先等押送林九行走。周老八令其放還不允。喝令毆打。以致周貴來與該犯各將趙臨先並胥庭祚毆傷斃命。將周老八依罪人拒捕殺所捕人律斬候。該犯起意聚眾打奪復當場喝眾拒毆致斃二





命情節較重請
旨即行正法周貴來聽從奪犯持刀拒捕
致斃事主隣佑二命係周老八喝令所致
按律以主使之入為首下手傷重得減一
等惟係拒捕殺人從犯較尋常鬪毆聽從
下手者為重將周貴來改發新疆為奴

浙江司道光二年

提督奏送任二行竊六次應照積匪猾賊
量減提徒其刃傷弁兵李長青等應加拒
捕罪二等杖一百流二千五百里惟該犯
刃傷三人情節較重應再酌加一等滿流
浙江司道光二年

浙撫咨張遇高董小老各販私鹽百十餘
斤均用他物拒傷巡弁應予販無引私鹽



三十一 罪人拒捕

滿徒罪上加拒捕罪二等杖一百流二千五百里。惟傷係巡弁與尋常拒捕者情節較重應再加一等滿流。

浙江司道光二年

提督咨送趙三糾竊四次獨竊二次應照積匪量減擬徒惟該犯于千總毛康齡查拏之時情急圖脫輒敢用梯木拒傷該弁

按例加拒捕罪二等應杖一百流二千五百里第傷係官弁應再酌加一等滿流。

江蘇司嘉慶二十五年

蘇撫題胡開與魏三遇道貧難胡開起意扒竊魏三允從同在集上閑悞欲圖乘便下手經快役朱順窺破形跡將其趕逐並聲言如再到集定行送官究治胡開氣忿

起意毆打淺忿。囑令魏三糾人相帮。經各糾邀韓結巴等首從九人。各執兇器。至朱順家。將朱順毆傷身死。將胡開比依犯罪拒捕殺所捕人者。斬監候。魏三等依共毆之人。執持兇器傷人例。擬軍。韓結巴被糾同往。未經帮毆成傷。應于殺所捕人為從流罪上。量減一等。滿徒。



江蘇司 嘉慶十八年

蘇撫題路松觀夥同沈百受行竊。經事主隣佑孫正潮出捕。路松觀拒傷孫正潮身死。將路松觀依罪人殺所捕人。擬斬監候。沈百受在場助勢。並未帮拒成傷。于為從帮拒之。陳阿大等流罪上。量減一等。滿徒。

直隸司 嘉慶二十一年



直督那咨龐振德因乞丐黃大路竊去鉄犁。強行索食未遂。挾嫌放火。被該犯捉獲。欲行送官。因雨阻。將其細縛樹上。被雨淋濯。凍餓身死。非該犯意料所及。且係放火兇丐。應衡情酌減。將龐振德照兇徒挾仇放火被害之人殺非登時絞監候例。上量減滿流。

河南司嘉慶二十年

河撫題劉保全因素識乞丐劉三漢搶食筐內蒸饅。隨用繩套其脖項拉走。欲告知其父。致劉三漢氣閉身死。將劉保全依擅殺擬絞監候。

河南司嘉慶二十年

河撫咨楊騾娃毆死強姦伊母未成之申

長富身死。將楊騾娃擬以滿徒。餘人潘道王寅娃俱擬滿杖。

廣東司嘉慶二十二年

廣東撫題巡丁陳亞受等共毆取私之李什晚身死一案。除將陳亞受依罪人日就拘執而擅殺律擬絞監候外。查共毆之巡丁黎亞二等。各用刀石將李什晚致傷。並

無損折傷痕。係屬擅傷罪人。並非折傷。例得勿論。應毋庸議。

四川司嘉慶十九年

川督咨樂文學。因張萬馨先與其同居小功堂弟媳通姦。嗣經控官。該氏悔過拒絕。張萬馨復往持刀逼姦。致被樂文學忿激致死。比照強姦未成罪人。被本婦有服親



罪人拒捕
屬登時致死例滿流

湖廣司嘉慶十八年

北撫咨徐得萬因無服族弟徐幅萬強姦
伊弟婦未成登時用刃將徐幅萬砍傷于
刃傷人徒二年例上減二等以尊犯卑再
減一等擬杖一百

江西司嘉慶二十年



江西撫咨朱應沅夥竊陳惟才牛隻已據
自認實屬有罪之人被陳惟才擦瞎兩目
已成篤疾應以鬪殺定擬雖聞拏投首係
侵損于人毋庸議減

江蘇司嘉慶十九年

蘇撫咨張閻氏因李合年拉伊強姦該氏
不從喊嚷適伊夫張起回歸將李合年捆

縛李合年穢語辱罵該氏忿恨莫過。刃砍致斃。原擬比照強姦未成罪人。被本婦殺。非登時例滿徒。部駁。砍由忿激。殺在登時。改依強姦未成罪人。被害之人登時忿激。殺死例滿徒。

湖廣司嘉慶二十一年

南撫咨楊岩保因夏老六與伊妻通姦。被



該犯撞見氣忿。邀同楊添保將夏老六誘至僻處。捆縛刺瞎夏老六兩目。該撫將楊岩保依擅傷罪人。以圖傷定擬例。瞎人兩目者。杖一百。流三千里。經本部以該犯見夏老六與伊妻在房說笑。實屬姦所獲。姦若夏老六因傷身死。該犯例止擬徒。將該犯改依擅傷罪人。減鬪傷二等例。杖九十。

徒二年半。

罪人拒捕

直隸司嘉慶二十年

直督題李進忠偷摘侯保地內南瓜被獲。慮恐張揚賊名起意將侯保勒死滅口。將李進忠依罪人拒捕殺死所捕人者斬候例擬斬監候。

江蘇司嘉慶二十一年



江蘇撫題任學秦捉姦。截傷妻母尼普真身死。查該犯因伊妻母普真與僧人旭亮通姦。後教令伊妻與旭亮姦好。被該犯撞獲。持剪捉拏。被普真抱住。致姦夫脫逃。該犯將普真截傷身死。是普真教令其女犯姦。與任學秦實已義絕。卽屬有罪之人。將任學秦依罪人不拒捕而擅殺例擬絞監。



罪人拒捕

九

候僧人旭亮與人母女通姦致釀人命一
死一抵應比照本夫登時捉姦誤殺旁人
脫逃之姦夫例擬以滿徒

浙江司嘉慶二十四年

浙撫咨陸吳氏與僧燦珍通姦經本夫陸
泳才捉獲僧燦珍掙扎不脫該氏幫護姦
夫將陸泳才咬傷律無治罪專條將陸吳

氏比照姦夫拒傷應捉姦之人刃傷以下
加本罪二等例於軍民相姦姦婦枷號一
個月杖一百罪上加二等杖七十徒一年
半杖決徒贖交本夫領回

雲南司道光二年

雲撫題戴金發毆死強姦未成罪人熊鎮
明一案查戴金發因熊鎮明強姦伊妻未

成該犯事後趕至理論將其迭毆身死。例內並無本夫事後趕至理論殺死強姦伊妻罪人作何治罪明文。將戴金發比照強姦未成罪人被本夫有服親屬殺非登時例擬絞監候。

山東司道光二年

東撫題杜文玉勒死已休之妻孫氏查杜



文玉因妻孫氏與人通姦將孫氏休棄孫氏復至該犯家央懇收留該犯不允因被辱罵將其勒斃核與一經離異轉嫁他人應同凡論者有間惟孫氏登門辱罵實屬罪人該犯將其致死情同擅殺將杜文玉照罪人已就拘執而擅殺律擬絞監候。

山東司嘉慶二十三年



罪人拒捕

東撫咨莊仁因總麻服姪莊壽強姦伊妻馬氏未成登時毆傷莊壽身死查被殺之莊壽係該犯總麻服姪若問擬滿徒未免與平人漫無區別將莊仁依強姦未成罪人被害之人及本婦有服親屬登時忿激致死滿徒例量減一等杖九十徒二年半

安徽司

嘉慶二十三年

安撫咨居懷雙抗糧糾同居毛孜等拒傷差役繆相平復一案居懷雙應納積年錢糧抗欠未完違限在一年以上係屬有罪之人經該縣差役比追輒起意糾同居毛孜等多人各持鎗刀拒捕并用鎗扎傷繆相右臂將居懷雙依兇器傷人軍罪上加拒捕罪二等發極邊烟瘴充軍居毛孜雖

未欠糧。惟明知居懷雙欠糧不納。差傳比追。輒聽從帮拒。持鎗扎傷縣役胡明脊脅。實屬濟惡。應以拒捕爲從問擬。居毛致依兇器傷人邊遠軍罪上。加拒捕罪二等。爲從減一等。發極邊充軍。居懷亮居庭封各持鎗刀。聽從助勢。尙未傷人。依執持兇器未傷人杖一百例。加拒捕罪二等。爲從減

一等。各杖六十。徒一年。居懷賜僅止附和同行。並未持有兇器。應照不應重杖。

江蘇司嘉慶二十三年

蘇撫咨外結徒犯內徐阿八與鄭五姑通姦。因被本夫陸耀宗扭獲。欲行送官。輒拒毆成傷。將徐阿八照軍民相姦杖枷罪上加拒捕罪二等。杖七十。徒一年半。

奉天司 嘉慶二十三年

聖人拒捕

三

盛刑咨逃徒李發被獲。仍發原配。解至中途。復行逃走。後被差人隆保住窺破緝獲。李發持刀恐嚇。致將差人隆保住劃傷。將李發依犯罪逃走拒捕。如二等律。于原配滿徒罪上加二等杖一百。流二千五百里。

河南司 嘉慶二十三年



東撫咨賊犯王小喜等搶奪程廣演魚驢。拒傷事主逃逸。嗣經差役捕獲。王小喜持棍拒傷差役。將王小喜依搶奪傷非金刃。傷輕平復。改發極邊烟瘴充軍。被獲時有拒捕例。改發回疆為奴。本部查該犯于拒傷事主時。並未被獲。即行逃走。與被獲到官。復又脫逃者不同。其于被獲時。持



罪人拒捕

棍傷差。應于本犯極邊烟瘴罪上加拒捕罪二等。改發新疆當差。

山西司 嘉慶二十三年

晉撫咨崔景僖因崔敦子謀殺伊出繼胞姪崔曾鼎傷而未死。崔景僖將崔敦子細縛送官。行至中途。因細繩鬆開。崔敦子在車滾轉。停車將其細縛。被崔敦子辱罵不

休。用刀將其砍傷致死。係屬忿激一時。將崔景僖依罪人本犯應死而擅殺律擬杖一百。

山西司 嘉慶二十三年

晉撫咨賊犯馬九二子馬勺果子糾夥迭竊。執有器械。本罪應擬極邊烟瘴充軍。該二犯于竊後撞遇捕役馬漢友盤詰。並不

俯首就擒。輒起意拒捕。馬九二子用刀砍傷捕役馬漢友左腳腕。馬勺果子用刀撲砍。被馬漢友奪刀扎傷。逃回。後因鄉約馬天成追拏。復敢施放鉄銃。致傷馬天成右肋等處。均在折傷以上。馬九二子、馬勺果子均依罪人拒捕毆所捕人至折傷以上律擬絞監候。

山東司嘉慶二十三年

東撫咨外結徒犯丙楊七起意行竊。護夥拒捕。刀傷紀成山平復。查紀成山係事主馬昌熙家所覓泥瓦匠。偶爾寄宿。並非馬昌熙家雇工。不能以事主論。楊七依竊盜拒捕傷非事主。但係刃傷。仍照律加本罪二等。例子刃傷人杖八十。徒二年。律上加



二等滿徒。

罪人拒捕

陝西司嘉慶二十三年

陝撫咨鄉約杜泳增因孟多廣與杜道兒等到處開場聚賭輸打贏要均係積慣賭博匪徒因向杜均秀索討賭欠爭鬧胆敢糾夥持刀逞兇扎傷理勸之人實屬生事行兇擾害良善惡棍杜泳增身充鄉約本



有應捕之責主令杜年成等駕船往捕之時孟多廣業已見水過河儘可任意奔逃乃恃其善于見水復行下河以致誤入深潭溺斃杜年成等船未近身孟多廣死由自溺不得謂之擅殺而案未到官不能稱囚又未便依囚因追逐倉迫而自殺律勿論杜泳增應比照棍徒擾害被害之人登

罪人拒捕
時忿激致死例滿徒

江蘇司嘉慶二十五年

蘇撫咨賊犯魏中淮用鉄鞭拒傷事主依
兇器傷人加二等發極邊充軍馮玉于魏
中淮拒傷事主該犯在旁目擊即屬為從
助勢應減一等滿徒

貴州司嘉慶二十五年



貴撫題羅么么行竊馬世法家放青豬隻
經事主馬世法等前往搜拏該犯起意拒
捕將鳥鎗點放適該犯無服族嬭羅喻氏
聞鬧出視被鎗誤傷身死應照因鬪毆而
誤殺旁人以鬪殺論故殺者斬監候

廣東司嘉慶二十五年

廣東撫咨謝烏妬蜂戳瞎鄧連生兩目成

篤一案。此案鄧連生先因偷竊葉亞茂布衫。經葉亞茂查知。將鄧連生剪辮割耳放走。嗣鄧連生挾嫌。撞遇葉亞茂。欲行毆打。葉亞茂走避。卽邀同謝烏妬蜂前往捉拏。將鄧連生細縛。因其辱罵謝烏妬蜂。用鐵鑽將其兩眼戳瞎。查鄧連生偷竊葉亞茂布衫。本屬罪人。葉亞茂將其剪辮割耳。鄧

連生挾嫌尋衅。葉亞茂同謝烏妬蜂往捕。已經捉獲。因其喊罵。將其兩眼戳瞎。係屬擅傷。將謝烏妬蜂依罪人。已就拘執。而擅傷律。瞎人兩目者。杖一百。流三千里。毋庸斷付財產。

直隸司嘉慶二十五年

直督奏劉四混係商僱巡役。有巡緝之責。



王朝臣係扒鹽匪犯。卽屬應捕罪人。設該
巡役當王朝臣扒鹽時。上前拴拏。卽被拒
捕。因而格殺。原可照例勿論。乃于稟官差
拘之後。因王朝臣持械兇毆。抵扎適斃。若
僅照鬪殺擬絞。似與不拒捕之罪人無所
區別。將劉四混比依罪人。已就拘執。及不
拒捕而擅殺。照鬪殺絞候上。量減一等。擬



以滿流。經本部以王朝臣係偷鹽被稟拘
拏之犯。不知畏罪。輒敢持械至原捕人家
門首兇毆。因劉四混攜刀出禦。王朝臣將
刀格落。用担連毆。情兇勢惡。實屬擾害。劉
四混拔刀抵扎。適斃核與被害之人。登時
毆斃棍徒者。情無二致。應改擬兇惡棍徒。
無故擾害被害之人。登時忿激致死例。滿

不許複製

NOT TO BE REPRODUCED

東京大學東洋文化研究所

徒。

罪人拒捕

山東司道光元年

東撫咨孟永大圖姦無服族叔祖母孟劉氏未成。因孟劉氏與之不依。並孟劉氏之母劉布氏。子劉丙仁。及隣居孟程氏。聞聲趨護。該犯情急亂劃。將孟劉氏等先後砍傷。例無作何治罪明文。惟圖姦與強姦不

同。已成者為姦夫。未成者為罪人。則圖姦未成罪人。不便與姦夫並論。應照罪人拒捕科斷。依卑幼犯尊長加一等于刃傷人杖八十。徒二年。罪上加一等。再加拒捕罪二等。杖一百。流二千里。



東洋天香
圖書

罪人捕

